



Broj: 07-11-1459/23  
Vogošća, 29.08.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 29.08.2023. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA  
VODOSNABDIJEVANJU GORNJIH ZONA NASELJA KRIVOGLAVCI I SVRAKE U OPĆINI  
VOGOŠĆA-III FAZA**

**Član 1.**

Ponuda grupe ponuđača/Konzorcija "Harysco" d.o.o. Sarajevo, ulica Bihaćka broj 1. Sarajevo i "Instel" d.o.o. Bijeljina, ulica Crvenog krsta broj 18a. Bijeljina, odabrana je za izvođenje radova na vodosnabdijevanju gornjih zona naselja Krivoglavci i Svrake u općini Vogošća-III faza, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 831.087,87 KM bez uračunatog PDV-a, odnosno 972.372,81 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 26.07.2023. godine donio Odluku o pokretanju Otvorenog postupka nabavke radova na vodosnabdijevanju gornjih zona naselja Krivoglavci i Svrake u općini Vogošća-III faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 27.07.2023. godine pod brojem: 1353-1-3-162-3-146/23. Sažetak Obavještenja o nabavci objavljen je u "Službenom glasniku BiH" broj: 54/23 od 04.08.2023. godine.

Tendersku dokumentaciju sa Portala javnih nabavki BiH je preuzelo 16 (šestnaest) ponuđača. Krajnji rok za dostavu ponuda bio je 18.08.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 18.08.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1459/23 iz jula 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Mibral" d.o.o. Sarajevo	836.832,07	/	/	979.093,52
2	"Ted invest" d.o.o. Sarajevo	825.948,50	/	/	966.359,74
3	"Harysco" d.o.o. Sarajevo i "Instel" d.o.o. Bijeljina	831.087,87	/	/	972.372,81

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Mibral" d.o.o. Sarajevo ne ispunjava uslove definisane Tenderskom dokumentacijom i to:

U dijelu tenderske dokumentacije, predmjer radova-opis radova, definisano je za III-Montažni radovi pod pozicijom br. 9 "Izvođenje kućnih priključaka na novoprojektovane vodovodne cijevi do vodomjerne garniture" kao i sastavni elementi istog potrebni za izvođenje navedenih radova - tj. radova za izvođenje kućnog priključka kao i njihovog dijametra tj. DN 25 mm (1"). Jedan od elementa koji čini sastavni dio kućnog priključka DN 25 mm (1"), a koji je i specificiran je "ugradbena garnitura za ventil".

Ponuđač "Mibral" d.o.o. Sarajevo je u svojoj ponudi na strani br.29 za poziciju br.9 u dijelu predmjera radova III - Montažni radovi upisao kataloški broj za ugradbenu garnituru za kućni priključak br:14014.T3 za koji se u priloženom katalogu u ponudi ponuđača "Mibral" d.o.o. Sarajevo na strani br.328 vidi da se pod ovim kataloškim brojem radi o ugradbenoj garnituri za zasunski ventil DN100-150 mm, a ne za predmetni ventil tj. za ventil dijametra DN 25 mm.

Obzirom da ponuđena ugradbena garnitura dimenzionalno ne odgovara i da ista ne može obezbijediti funkciju otvaranja i zatvaranja ventila DN 25 mm ponuda ponuđača "Mibral" d.o.o. Sarajevo je neprihvatljiva za ugovorni organ.

Ponuda ponuđača "Ted invest" d.o.o. Sarajevo ne ispunjava uslove definisane Tenderskom dokumentacijom i to:

U dijelu tenderske dokumentacije, predmjer radova-opis radova, definisano je za III-Montažni radovi pod pozicijom br.9 "Izvođenje kućnih priključaka na novoprojektovane vodovodne cijevi do vodomjerne garniture" kao i sastavni elementi istog potrebni za izvođenje navedenih radova-tj. radova za izvođenje kućnog priključka kao i njihovog dijametra tj. DN 25 mm (1"). Jedan od elementa koji čini sastavni dio kućnog priključka DN 25 mm (1"), a koji je i specificiran je "ugradbena garnitura za ventil".

Ponuđač "Ted invest" d.o.o. Sarajevo je u svojoj ponudi na strani br.15 za poziciju br.9 u dijelu predmjera radova III-Montažni radovi upisao kataloški broj za ugradbenu garnituru za kućni priključak br:14011.T3 za koji se u priloženom katalogu u ponudi ponuđača "Ted invest" d.o.o. Sarajevo na strani br.190 vidi da se pod ovim kataloškim brojem radi o ugradbenoj garnituri za zasunski ventil DN 65/80 mm, a ne za predmetni ventil tj. za ventil dijametra DN 25 mm.

Obzirom da ponuđena ugradbena garnitura dimenzionalno ne odgovara i da ista ne može obezbijediti funkciju otvaranja i zatvaranja ventila DN 25 mm ponuda ponuđača "Ted invest" d.o.o. Sarajevo je neprihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda grupe ponuđača "Harysco" d.o.o. Sarajevo i "Instel" d.o.o. Bijeljina ispunjava formalno-pravne uslove, odnosno sve zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača, te je izvršena računska provjera dostavljenih ponuda, nakon čega je utvrđeno da nema računskih grešaka u ponudi ponuđača "Mibral" d.o.o. Sarajevo, "Ted invest" d.o.o. Sarajevo i ponudi grupe ponuđača "Harysco" d.o.o. Sarajevo i "Instel" d.o.o. Bijeljina, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača/grupe ponuđača "Harysco" d.o.o. Sarajevo i "Instel" d.o.o. Bijeljina, za izvođenje radova na vodosnabdijevanju gornjih zona naselja Krivoglavci i Svrake u općini Vogošća-III faza, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 831.087,87 KM bez uračunatog PDV-a, odnosno 972.372,81 KM sa uračunatim PDV-om.


**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



OPĆINSKI NAČELNIK  
  
Migdad Hasanović

Dostavljeno:

1. "Mibral" d.o.o. Sarajevo
2. "Ted invest" d.o.o. Sarajevo
3. "Harysco" d.o.o. Sarajevo
4. Nadležnoj Službi
5. U dosije
6. a/a

info@mibral.ba  
tedinvestdoo@gmail.com  
harysco@bih.net.ba